

www.BibleForChildren.org

Mateo 1




Nomweji washanu nomwempela ingilozi Gabhuliyeli yakatumwa naMwali kuGalili muguta linowhi Nazaleta, kumhandala yakaba yahwayiwa nonzhuzha unowhi Josefa, wengumba yaDavidi, izina lyemhandala iwhi Mariya.




Ingilozi yakati kwaali, “Usitye Mariya,
nokuti wawana ishe kunaMwali.
Jowha, unooba nemimba,
unoozwala mwananhulumyana
wauchopa izina kuti ndiJesu.
Iye unooba unkulwana, akale
unooshobwa ewhi
Mwananhulumyana wooyo
wopeZhuluzhulu, She Mwali
unoumpa chigalo chobushe chatate
babe Davidi, akale unootonga
ingumba yaJakobe nokusinopela,

nobushe bubwe bunooba
ipo kusinopela.”



Mariya wakati kungilozi, “Zwinotikana
chini yezwi, nokuti andina undume?”
Ingilozi yaMwali yakati kwaali,
“UMpepo uNchena unoozha
pezhulu papo, akale isimba
lyoupo pezhulu kasa
linokufukatija,
nokudalo mwana
uchoochilwa
unowhi uNchena,
Mwananhulumyana
waMwali.”




Mumazhuba yayo, Mariya wakanyamuka,
akenda kunyika yamatunhu ekambija enda
muguta limo muJudiya, akanongwina
mungumba yaZakaliya,
akamusa Elizabeti.




Elizabethi wakati awaha kumusa kwaMariya,
mwana wakatumuka muntumbu mumwe,
ndipo Elizabethi wakazhala noMpepo
uNchena, akashomeja
newhi lyopezhulu eti,
“Ulokombolelwa pakati
pabanhukaji bose,
ulokombolelwa unchelo
wemimba yiyo!”




Ngweno kuzwalwa kwaJesu Kristo kwakatikana
neyinzila. Mai babe Mariya
baluba bakatangilwa
naJosefa, asi abajakabanu
bashangana, Mariya
wakawanikwa
elinemimba yoMpepo
uNchena. Nokudalo
Josefa, undume uwe,
wakaba eli unhu
wakalulama, ajakabeda
kuumpisa ishoni kubanhu,
wakayeya kuunshima
musiswa.




Asi echinoyeya yezwi, ingilozi yaTezi yakaboneka kuna
iye mumaloto, ikati, “Josefa, mwananhulumyana
waDavidi usitye kutola Mariya kuti ebe
unkaji uwo nokuti imimba yeyi
ngiyoMpepo uNchena. Unoozwala
mwananhulumyana unoonshoba nezina
linowhi Jesu, nokuti iye ndiye unoochija
banhu babe muluchinyo lwabo.”



Josefa paakamuka muhope, wakata zwaakababujwa
nengilozi yaTezi, akoontola unkaji uwe, munsha uwe.
Koga aajakashangana naMariya pabulo,
esanu azwala mwananhulumyana.
Akale wakondundikila
izina lyokuti Jesu.




Mumazhuba yayo, chishomejo chakawhika chiva
kunaKesali Agasitasi kuti banhu bwose munyika
banokwelela kuti
bekwaliswe. Bose bakenda
kutibonokwaliswa
umwe noumwe
kuguta



lyokunaibo.



Josefa neebo wakanyamuka eva kuGalili, kuzhe
kweguta lyeNazaleti, engwina munyika yeJudiya,
akenda kuguta lyaDavidi
linowhi Bhetelehema,
nokuti wakabeli
wengumba
akale eli



inzwalo yaDavidi,
kuti enokwaliswa
naMariya, wakaba ahwaywa, akale iye elinemimba.




Kwakati beli kwakale
yoko mazhuba akaba
aswika okuti echile.



Wakachila imbano mwananhulumyana, akomputilija
nemicheka, akondajika muchilyilo chemhuka, nokuti
bakabashayiwa bugalo
mujingumba jabezi.



Kunyika yeyo kwakaba kuli nabalyisi bemhwizi belyisa
akale belinda imhwizi jabo kumachelelo busiku. Akale
ingilozi yaShe yakaboneka kwabali,
kungaima kwaShe



kwakapenya
yopo
pabakabeli,

bakatya
kasakasa.




Ingilozi yakati kwabali, “Musitye, nokuti ndimumubuzila
inyaya imbuya ina lushanto lukulwana luchaba kubanhu
bose. Nokuti muguta lyaDavidi nasi
mwazwalilwa uNchiji,
ndiKristo,
Tezi.”



“Yechi ndicho chichaba chitondejelo kwamuli:
monowana mwana uncheche ekaputilijwa mumicheka,
ekalajikwa muchilyilo chemhuka.”



Pakalepo kwakaba nebunga lyezwibumbwa zwaMwali
zwokudenga nengilozi zwikiya Mwali
zwiti, “Lukujo kunaMwali wopezhulu,
nolunyalalo



munyika, banhu
begalike!”



Kwakati ingilozi jenda jabwilila kudenga, balyisi bakalebelekesana beti, “Andeni kuBhetelehema, tinozwibonela yechi chinhu chatikana, chatazibiswa naShe.” Bakenda nokambija, bakawana Mariya naJosefa, nomwana elilele muchilyilo chemhuka.




Pabakombona bakazibisa zwibakababujwa
nezwomwana yoyu, Bose bakawha bakachenamiswa
nezwakabelebwa naba balyisi kwabali, Koga Mariya
wakalondota zwose yezwi ezwiyeza
mumwoyo uwe.




Wakati azwalwa J
esu kuBhetelehema,
munyika yeJudiya,
mumazhuba aShe
Helodi, bachenjevu
bokubuvezhuba




bakaswika kuJelusalema
beva kubuvezhuba, bakati,
“Ani ukokupi she wabaJuda
wazwalwa? Nokuti tabona
inyenyeji yiye kubuvezhuba,
ngweno isu tezha koonamata.”



Ndipo Helodi wakabashobela
musiswa bachenjevu,
akababhuzisisa
nezwonshaji wakatanga
kuboneka inyenyeji.



Wakabatuma kuBhetelehema,
akati kwabali, “Indani
munobhuzisisa
zwomwana yoyo, kana
mungongwana, muzhe
mondizibisabo, kuti namibo
ndinde kunoanamata.”



Pabakati bawha zwilebo zwabashe bakanyamuka
bakenda, akale lingani ndipo inyenyeji ibakababona
kubuvezhuba yakabatungamilila
kuswikila yama pakale
pakabeli nomwana.




Pabakangwina mungumba bakabona mwana naMariya
amai babe, bakatibhama bakoona mata, bakabhisa

zwipo zwabo zwendalama, indunda
yefhungaijo, nobunde bwemula.

Nokuti bakaba banyeulilwa
mumaloto abo kuti besibwilile
nokuna Helodi.

Bakabwilila kunyika
yabo neimwe inzila.



Pabakati benda, iNgilozi
yaTezi yakazwibonesa kuna
Josefa mumaloto iti,
“Nyamuka utole mwana
namai babe mutizhile kuljipiti,
munogala kwakale
kuswikila ndamubuja,
nokuti Helodi
unoopyanga mwana
kuti

oombulaye.”





Iye wakava anyamuka
nobusiku akatola mwana na
amai babe, akenda nabo
kuljipiti. Wakagala kwakale
kuswikila lufu lwaHelodi.
Zutilwa kuzhajikija
zwakalebwa naTezi
nomumpolofeti, eti,
“Ndakonshoba

mwananhulumyana wangu
kuti ebhude muljipiti.”




Helodi paakabona kuti
wachengwa nabachenjevu
bokubuvezhuba,
wakalutila kasa, akatuma
balwi kuti benobulaya
bana banhulumyana bose
muBhetelehema nabo mudunhu
yelyo



lyose, . . .



. . . bakabeli namakole mabili
kana pasi, zwickwendelana
nooyo unshaji waakababhuza
kubachenjevu bokubuvezhuba.





Paakati afa Helodi, Josefa
wakabona ingilozi yaTezi
muloto echi kuljipiti iti,
“Nyamuka, utole mwana
namai babe mubwilile
kunyika yelzilayeli,
nokuti yabaya bakajoda
bupenyu bwomwana
bakafa.”




Koga paakawha kuti Akelasi ndiye umutonga kuJudiya
pechigalo chatate
babe Helodi, wakatya
kunda kwakale. Wakati
abujwa naMwali
muloto,

ndipo paakenda
kunyika yeGalili. Wakenda
akanogala muguta linowhi Nazaleta,
kuli kuzhajikija yezwiya zwakalebwa nabapolofeti,
kuti, “Unooshobwa ewhi uNazaleta.”



Nokuti Mwali wakayida inyika,
zwokuti wapakila Mwananhulumyana
umwempela uwe, kuti yoyo
unodimbwa kwaali, aatoopala
koga unoba nobupenyu
businopela.



Loma 3:23 tose tilochinya, atitoswikila kabuchena
bwaMwali,

Loma 6:23 Nokuti indipo yoluchinyo lufu, koga chipo
cheshe chaMwali bupenyu businopela muna Kristo
Jesu Tezi wedu.

BaHebhelu 9:27 Somwazwilobambwa, kuti unhu unofa
kamwempela, mushule mwezwo kunozha kutongwa,

BaEfeso 2:8,9 Nokudalo nechipiwo chiche mwaka chijwa
pezhulu pokudimbwa, yezwi azwitova kunamwi, koga chipo
chaMwali, zwisi pezhulu pemishingo, kuti
kusibe nonhu uchashiya.



Loma 10:9,10 nokuti, kana uleba nondomo uwo kuti Jesu
ndiShe, akale udimbwa mumwoyo uwo kuti Mwali
wakoumusa mubafi, unoochijwa. Nokuti unhu unodimbwa
nomwoyo uwe nezwo unolulamiswa, unoleba nondomo
uwe nezwo unochijwa.

Joni 3:16,17 Nokuti Mwali wakayida inyika, zwokuti
wakapila Mwananhulumyana umwempela uwe, kuti yoyo
unodimbwa kwaali, aatoopala koga unoba nobupenyu
businopela. Mwali aajakatuma Mwananhulumyana uwe
penyika kuti ezhe koobetekesa inyika, koga kuti inyika
ichijwe pezhulu pape.



1 Joni 5:11-13 Yobu ndibwo busumikiji bwokuti, Mwali wakatipa bupenyu businopela, akale yobu bupenyu bwimo muMwananhulumyana uwe. Yoyo unano Mwananhulumyana, una nobupenyu asi, usina Mwananhulumyana waMwali, aanabupenyu. Ndinomukwalila yezwi, imwi mulodimbwa muzina lyoMwananhulumyana waMwali, kuti muzibe kuti muna nobupenyu businopela.



Mateo 1-2; Luka 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Nambya NT (nmq) The word for The World International

©2026 Bible for Children, Inc.

www.M1914.org

www.bibleforchildren.org

